

*project rose BY ASCEND COACHING CONTACT MR LAL TOMBING 7005 568 716	SSC ADVANCED COURSE FROM: 23 JUNE 2026 10:30 AM RS. 8000 04 MONTHS	GENERAL STUDIES (CIVIL SERVICES, CDS, SSC...) FROM: 15 JUNE 2026 06:15 PM - 08:00 PM RS. 15,000 + RS. 500 4-5 MTH	NIGHT FOUNDATION COURSE (BANK, SSC, INS, RAILWAY) FROM: 14 JULY 2026 06:15 PM - 08:15 PM RS. 12,000 + RS. 500 4-5 MTHS	SEATS AVAILABLE @ SAUBBUK SELF STUDY CENTRE SIMVENG, LAMKA CALL LAL TOMBING @7005 568 716
	BANKING ADVANCED COURSE 16 JULY 2026 03:15 PM RS. 9,000 04 MONTHS			



WEATHER FORECAST

23°

RealFeel® 28°
RealFeel Shade™ 27°

Max UV Index 3.0 (Moderate)

Wind W 4 km/h

Wind Gusts 19 km/h

Probability of Precipitation 96 %

Probability of Thunderstorms 47 %

Rain 13.4 mm

Cloud Cover 100 %

Manipur government in NIT Manipur permanent campus om theihna di'n panla

IMPHAL, Aug 4: Manipur Chief Minister Yumnam Khemchand Singh in Sepnawnni, August 4 in City Convention Centre, Imphal a National Institute of Technology (NIT) Manipur 13th Convocation zatna hun ah Manipur government in Manipur ah National Institute of Technology (NIT) permanent campus om theihna ading a theihtawpsuah a panla ahi chi hi. Hiai toh kisai in government in a kisaipihetoh hiai project ading a gam a beihtheipen a om theihna ading lampi zong a, NIT penstate leh gamsung pumpi khantouhna ding a poimoh

mahmah ahi chi hi.
NIT apan graduate-te
kipahpih thu gen kawm
in maban ah leng hong
lohchintouh zel uh deihsak
thu gen in Viksit Bharat 2047
vision lohchinna leh tang-
tunna ding a technical edu-
cation in poimohna liantak
nei ahi chi hi.
Civil Engineering,
Computer Science and En-
gineering, Electronics and
Communication Engineer-
ing, Electrical Engineering
leh Mechanical Engineering
zoute'n gamsung khantouh-
na ding a poimohna liantak
nei uh ahi chi hi.
Khemchand Singh in

agenzeina ah, institution
tuamtumte lak ah NIT Ma-
nipur in India khantouhna
ding a Prime Minister meng-
muhna Viksit Bharat 2047
lohchinna leh tangtunna
ding a poimohna liantak
nei ahi chi hi. NIT Manipur
pen India malsuahhial ad-
ding a technical institutions
minthang mahmahte lak a
khat hi a, sinlai naupange'n
siampen hihsawm a, in-
novators, administrators
leh makai a pan ding tup-
le-ngim a nei a, a theihna
uh leh siamnate uh Viksit
Bharat leh Viksit Manipur
ading a zang ding in hasuan
hi.

National Institute of Technology (NIT) Manipur permanent campus om theihna ding a Kakching MLA Rameshwar Singh panlakna leh nungthuapthe chiamtehtam ahihndan Chief Minister in gen a, hiai project ading a gam poimoh toh kisai a kisaipih tuamtumtoh genkhawmna pailel hidan in gen hi.

Board of Governors chairperson Bajrang Lal Bagra in NIT Manipur apan graduate student-te kipaphi thu gen kawm in maban ah values of integrity, innovation leh service lungput nei ding in ngen hi. >>>2

**Eklavya Residential School student-te
gilkial, dangtak in om, Principal suankhia**

IMPHAL, Aug 4: Zeikhu-
luang Loktak Project ah
Eklavya Model Residential
School (EMRS) ah student-te
nek-le-tak hoitak a piak hil-
ou leh giling dangtakna leh
nek ding taksapna liantak
om hidan a gen ahihnung in
Principal suahkhiak a om hi-
dan in thusuak in taklang hi-
Eklavya Model Residen-
tial School student-te ading
a nek ding leh a mimal poi-
mohte uh taksapna liantak
om ahihdan gen ahihnung
in hiai thu ah government
leh akisaipih thuneitute'n
kintak a kigolh a student-te
haksatna hihvengsak ding in
ngetna om hi.

Thüsüak dungzui in school ah student-te ading in nekl-le-tak kiningching piak hilou ua, student tamtak gilkial dangtak a om in an gih vah a piak ahihlouh ban uah a duhzah uh nek ding omlo in student khenkhat gialkia ziaak a kap uh hi'n taklang hi. Hiai toh kisai video clip so cial media a kapkhiak a om ah student-te nek ding kiching omlouh ziaak a bahsia in hospital a admit pawl leng om uh hidan in thusuak in taklang hi.

Hiai school ahihle Eklavya Model Residential School (EMRS) scheme nuah ah singtangmi student-te ad

ing in quality education leh
residential facilities piakna
ding a kibawl hi a, tu in stu-
dent-te mimal paimohte tan-
pha pe zoulou a om hidan a
taklat in om hi.

Hiai thu ngaikhawk in
Tribal Affairs and Hills De-
partment, Government of
Manipur nuai a Manipur
Society for Tribal Educa-
tional Institution (MSTEI)
in August 3 a office order
a suahna ah EMRS Loktak
Principal a mohpuakna
apan awngsut hi.

Order dungzui in, aki-
saipih thuneitite lemsak-
pihna toh Eklavya Model
Residential School >>>2

**CRPF in Lingsiphai
khua ah Martyr
CT/BUG Hauthian-
lam zahna pia**

LAMKA, Aug 4: Tuni in 32 Bn Central Reserve Police Force (CRPF) in Lingsiphiak khua ah Martyr CI/BUG Hauthianlam' lim kibawlna ah zahna leh sunna in pak pia uhi. Martyr Hauthianlam in August 4, 2004 in Srinagar, Jammu & Kashmir ah gam humbitna di'n a hinna pia a, amah zahna leh sunna hun Inspector General Manipur & Nagaland Sector, CRPF leh Commandant, 32 Bn. CRPF theihpih in nei uhi.

Hiai hun ah Hauthianlam in gam adia a kipiak zohna leh hangsan a suahna phawktah in om hi. Hauthianlam' sanggam Lama Vaiphei tel in a sungkuante banah 32 Bn. CRPF apan officer leh personnel hunthop tel ua, amah zahtakna leh phawktahna in pak pia uhi.

India Independence Day lopna ding toh kisai DC makaih in meeting om



LAMKA, Aug 4: Hongtung ding August 15, India Independence Day lopna ding toh kisai in Conference Hall DC Office, Mini Secretariat, Tuibong ah Krishna Kumar, IAS, DC CCpur makaih in meeting om hi.

Huai hun ah Gaurav
Dorgra, IPS, Superintendent
of Police, Additional DC,
CEO, ADCC, Project Director,
DRDA, Inspector General,
STC BSF, Gangpimual, Dep-
uty Inspection General, 27
Sector Assam Rifles, >>>2

**A 62 veina CCpur College
Social Fresher's Meet 2026 zang ding**

LAMKA, Aug 4: Hongtung ding Aug 7, 2026 sunma dak 10:30 apan YMA Hall, Hmuia Veng, Lamka ah Students Union, CCpur College Autonomous in a 62 veina CCpur College Social Fresher's Meet 2026 zang ding uhi.

Huai hun Krishna Kumar, IAS, Deputy Commissioner & District Magistrate, CCpur in Chief Guest hihna toh uap ding a, Gaurav Dogra, IPS, Superintendent of Police, CCpur in Guest of Honour, Joseph Khamgousuan Valte, Social Worker in Functional President leh Dr

Lalzagou Neihlsial, Controller of Examinations, CCpur College in Chief Host hihna toh uap ding hi.

A 62-veina CCpur College Social Fresher's Meeting 2026 zatna Emily Mantansang leh Nancy Chingjuang in makaih ding uap Programme coordinators in Tuanlangpau Naulak Secretary, Social & Culture Student Union leh S. Lienlungmuon Gangte, Secretary Magazine, Student Union pang ding uhi.

Evangelical Union Team, CCpur College >>>2

**ADCC Tuibong ah Dispensary
building honna leh agriculture vanzat
hawmkhiakna kithuah hunzang**



LAMKA, Aug 4: Tuni in Autonomous District Council, CCpur (ADCC), Tuibongah Dispensary building puathak a om honna leh Agriculture vanzat hawmkhiak in om hi. Huai hunah Shokhongam Baite, MCS, Chief Executive Officer (CEO), ADC, CCpur in vaidawwna leh Dispensary build-

ing toh kisai pulak hi.
Dr. Ph. Henkhoneng
Mate, Chief Medical Officer
(CMO) CCpur in Dispensary
ADCC Headquarter hong
khia in, Autonomous District
Council, CCpur nuai a bene-
ficiary-te kiang ah Khrisna
Kumar, IAS, Deputy Commis-
sioner CCpur in agriculture
van tuamtum pekchia hi.

**ZYA Kangkap Unit in tui a kia hunkhia
naupang 2 kiang ah pahtawina pia**

LAMKA, Aug 4: Tuni zingkal dak 7 in Zomi Youth Association (ZYA) Kangkap Unit in Kangkap Community ah July 18, 2026 a tui a kiahunkhia naupang 2 kiang ahpahtawina pia uhi. Pahtawina piak a om naupang nihte ahiehle Thangpiaklian Tonsing s/o Upa T Liankhankap leh Joseph Tuanmuanlal s/o Chinkhanpau Samte hi uhi.

July 18, 2026 in Kangkap khua apan Kapgouthang s/o Thumkhenmang leh a lawmte mi nih Thangpiaklian leh Joseph Tuanmuanlal tuitawi ding in Simlui ah kuan uhi. Huchihlai in Kapgouthang tangkhiakhla in lui ah kiah a, huai hun ah a lawmte patau in hutkhiak

sawm in panla uhi. Chiang-
pum khat lui sung ah kha
in huai tungtawn in Ka-
pgouthang suakta thei hi.

Naupang tui a kia pen
lui sung apan pawtkhe zou
mahleh, tui tam a valhkhak
luat ziak in bah mahmah a
nak zoulou in om hi. Thil-
tung tho kisai naupange'n a
nu leh pate a theihsak nung
un kintak in delh uhi.

Lui kiang a khophawk-
lou a lum Kappgouthang kam-
lung ah hu pia in awl-awl in
halkhe thei hi. ZYA Kangkap
in tui a kia hunkhia naupang
nihte pahtawina a piak hun
uah Pastor V Pauthianmuang
in hutkiak a om leh, a
hunkhetu naupange Pathian
kiang ah thumsak hi.

**Churachandpur (ST) Assembly Constituency ading in SDO/ERO Office,
Headquarter Veng ah Special Intensive Revision (SIR) Hearing pail**



LAMKA, Aug 4: District Election Officer (DEO)/DC thupiak dungzui in, tulai in 58 Churachandpur (ST) Assembly Constituency ading Training Hall, SDO/ERO Office, Headquarter Vengah Special Intensive Revision (SIR) Hearing pailai hi. Hearing ahiehleh SIR phase masa pansan a Electoral Roll suahkhiaik a om ah bawldik ngai leh lehkhia poimoh (document) pelut dia theihsakna (notice) mukhate ading ahi.

Polling station dungzui a paipih hi a, Electoral Registration Officer (ERO) et-

kaina nuai ah Assistant Electoral Registration Officer leh Booth Level Officer (BLO) banah village authority-te'n kithuahpih uhi.

Tuni in Polling Station 36 apan Polling Station 39 kikalte'n sunma dak 9 apan sun dak 12 kikal sung in hearing nei uhi. Dak 12

**Gousuan Valte in lampi a
bawlhoh sakna tung ah khosung
mipite'n kipahthu gen**



LAMKA, Aug 4: Vuahzukai a Pamzal leh Sainou zang kikal mun bangzah hiam ah menchim a om zia in, tuni'n Joseph Khamgousuan Valte@Gousuan Valte s/o (L) Vungzagin Valte MLA, 56-Thanolon Assembly Constituency in awlmohna liantak toh JCB sawl in lamp bawlhohi sak hi.

Kikawmtuahna lamp hoihtak a bawlsaktu Gousuan Valte tung ah Village Authority, Zou Youth Organization (ZYO) banah khosung mipi sik-le-tang in Pamzal Village Authority Chairma Doulal leh Secretary Khai chinkhup in news tungtaw

in kipahtu gen uhi.
 Apaita July 30 inleng
 Joseph Gousual Valte in
 Thanlon bialsung Khajang
 leh Aibulon kikal kikawmtu-
 ahna lampi se mahmah ahi-
 hdan theihsak ahihnung JCB
 zang in lampi bawlhohi sak-
 hi. Bialsung mipite khualna
 leh awlmohna toh Gousuan
 Valte in kikawmtuahna lam-
 pi a bawlhohi sakna tung
 leh, khua tuamtuan apan
 hiai lampi tawn a Sinzaw
 ah Gen Z Discipleship Semi-
 nar uap dia kuan naupangte
 adia nuam tuan mahmah
 ahinna tung ah, DS, Thanlon
 Division EBC in kipahtu
 gen hi.

**Zillai VK Tawna College Unit in
2026-2027 sung vaipaw ding telkhia**

LAMKA, Aug 4: Zillai Lamka Block vaisaina nuai ah Zillai lamka lai VK Tawna College Unit in 2026-2027 sung vaipaw ding kitelna nei uhi. Huai hun ah Election Commissioner in Kamminlian Block Secretary leh Presiding Officer cum Oath Commissioner in Manu gzakhum, Zillai Lamka Block President pang a, gelhlutlu in Thangminlun Vangluah pang hi.

Block member-te leh VK Tawna College Unit apara member 25 val paikhawm

uhi. Zillai VK Tawna College
Unit 2026-2027 sung vaipaw
ding kitelna ah, President
in James Gingoupiang, Vice
President di'n Manghaulian
banah Executive Member in
Zamrualkhum, Khoingaikim
leh Neinunlym telching uhi.

Telching thakte Man-
gzakhum, President Zillai
Lamka Block in kichiam-
sakna leh thumsakna nei hi.
Telching thak mi 5-te'n ni 15
sung in Cabinet Expansion
bawl in Zillai Lamka Block
kiang ah pelut ding uhi.

SUNNA: Niangkховунг (80) w/o Khualzathang of Ka

LAMKA TIMES GAS NEWS

SONGTAL INDANE

BK: 20 Jan to 30 Apr 26] Del: 05 Aug](Timing: 11:30AM-2:00PM)

**2days Advance Misscall* Bawlding*

**Order for consumer message na muh uhle gas lak theih,
Wait for 4hrs akichih le gas lak theihlou di (Neak di hitop)**

Manipur government in NIT Manipur permanent campus...zopna

Education pen ethics leh compassion toh a kizuih ngai ahihdan gen in gamsung khantouhna ding leh Viksit Bharat 2047 vision lohchinna ding a panla ding in ngen hi.

Convocation zatna ahihleh Chief Minister, Board of

Governors chairperson leh NIT Manipur Director Prof. D.V.L.N. Somayajulu in NIT graduate-te lak a siam tungtuante kipahpihna leh theihpihna in gold medals leh meritorious award pia uhi.

Hiai hun zatna Reg-

Eklavya Residential School student-te gilkial, dangtak in om...zopna

(EMRS), Loktak Principal suahkhiak hi a, thuthak om nawn matan ading in Member Secretary, MSTEI office ah koih in om hi. Order in a taklatna ah, Principal suankhiakna oder in hun paisa a institution in order a suahsa teng khekkhe ding hidan in taklang hi.

Hiai thu ahihleh school ah student-te nek-le-tak

ding ban ah a mimal poi-mohte uh kidaihloou hidan a gen omnung hi a, hiai ngohna toh kisai Tribal Affairs and Hills Department, school thuneitute leh a kisaipih agency-te'n nounel-tak a suichian a student-te'n an nek ding kiningching nei uhia, damlouhna toh kisai ki-etkolna leh a omna mun ban uah a niteng poimohte

uh kiningching a om ahihkeileh kiningching lou chih-te suichian ding in ngen uhi.

Huai ban ah student-te damtheihna, hamphatna leh dignity kepbitna ding a bawldik ngai omte bawldik ding leh tunung a hichibang thiltung om nawnlouhna ding a thuneitute'n panla ding in ngen uhi.

India Independence Day lopna ding toh kisai DC makaih in...zopna

Deputy Inspector General CRPF CCpur Range, DFO, SDO, Commanding Officer 5 Assam Rifles, 37 Assam Rifles, Commandant of Battalions CRPF, BSF, ITBP, 1st India Reserve Battalion banah District Level Officers leh Official-te tel uhi.

Meeting hun ah Inde-

pendence Day lopna ding a Line Department tuamtua-mte mohpuakna leh sepsuah dingte kikumkhawm uhi. India Independence Day lopna ahihleh District Level in Peace Ground, Tuibong ah om ding a, huai ding in August 13, 2026 sunma dak 8 in full dress rehearsal om ding hi.

August 9 apan August 17, 2026 sung in Har Ghar Tiran-ga Campaign paipih hiding a, huai hunsung in Bike Rally, Exhibitions banah school, college leh mun tuamtuum ah Vande Mataram la sakna om ding hi. India gam ngaihla toh Flag rally tel in, Cycle leh e-Bike rally leng om ding hi.

A 62 veina CCpur College Social Fresher’s Meet 2026 zang...zopna

in biakna leh phatkhawmna makaih in, Esther Hoineilh-ing, CCEU in thumna in hun hong ding hi. Tuanlangpau Naulak, Secretary, Social & Culture, Student Union in vaidawwna thu gen in, Paukhangin, Finance Secretary, Student Union in guest-te kipah thilpiak hun la ding hi.

Rev Suonboi Tungdim, Director of Ministries, MELC in Fresher-te ading in Pathi-an kiang ah vualzawlna ngen in thumsak ding hi. Guest-te apan thugenna om ding a, Esther Raminthar,

Secretary, Common Room (G), Student Union makaih in Mister leh Miss Fresher’s Contest zoh in kipahman hawmna om ding hi.

Huntawp ah David Thangsianmuan, General Secretary, Student Union in kipahthu gen in, Lien-lalthuom, CCEU in thumna in hunkhak ding hi. Chura-chandpur College Evangelical Union, Zou Sangnaupang Pawlpi (ZSP) Churachand-pur College Unit, Siamsin-pawlpi (SSPP) Churachand-pur College Branch, Tedim

Chin Students Association (TCSA) Churachandpur Col-lege Unit, Khangthah Zuun Pawl (KZP), Churachandpur College Unit, Kuki Students Organisation (KSO), Chura-chandpur College Unit, Zil-lai, Churachandpur College Unit, Mizo Zirlai Pawl (MZP), Churachandpur College Unit, Hmar Students Association (HSA), Churachandpur Col-lege Unit, Gangte Students Organisation (GSO), Chura-chandpur College Unit leh Kom Students’ Union (KSU) apan special item om ding hi.

Assam ah CRPF jawan khat in a seppihte 2 kaplum in 1 kapliam; amah-le-amah kikaplum

GUWHATI, Aug 4: Assam state sung Nagaon district sung a CRPF Camp khat ah CRPF jawan khat in a seppih mi 2 kaplum in adang 1 kapliam a, anung in amah-le-amah kikaplum hi.

Preliminary investiga-tion dungzui in, Assam’s Na-gaon district sung Katimari khua a 34 Battalion CRPF Camp ah main gate duty a pang CRPF jawan Ballani

Premabaram in Sepnawnni zingkal in service rifle (INSAS rifle) zang in Head Consta-ble (HV/GD) Vishnu Prasad Baghel leh SI/GD Ramnawal Singh Yadav kaplum a, B/171 Battalion apan ASI Mane Go-vind Sripul kapliam hi.

34 Battalion CRPF Camp a main gate duty a pang Ballani Premabaram ahihleh Andhra Pradesh a kipan ahi. A ki-gendan in, Ballani Premabar-

Gaza City a ‘mass funeral’ neihna mi sang tamtak in uap

GAZA CITY, Aug 4: Israel toh kidouna leh buaina a si leh thah a om Palestinian mi 112 Ningani in a lom a vuina (mass funeral) neih in om a, Palestinians mi tamtak in mass funeral uap uhi.

Kidouna kipatnunga a Gaza City ah mass funeral neihna thupipen leh lianpen hilai hi.

Ningani a mass fu-neral ah vuiliam a omte lak a khenkhat kidouna ki-pat tunglai a si/thah a om

khawng hi ua, a luang uh tunai a muhkhiak hi uhi.

Palestinian flag a kitu-am hankuangte pua in Pal-estinian mipite'n Gaza City fanpih ua, kongzing/lampi tuamtuum tawn in mass pro-cession neihpih masa uhi.

Huailou in, West Bank ah Israeli sepaihte'n a utna munmun uh buluh ua; Pal-estinian mimal a utut uh a matkhiak uh Palestin-ian Prisoners’ Society in

Iran toh kidouna ah US in ‘long-range precision missiles’ tamzaw zangbei

NEW YORK, Aug 4: Iran toh kha nga kidouna ah US mili-tary in long-range precision missiles a neihstate zangbei phial hidan in Pentagon of-ficials thum in gen uhi.

US Army in long-range precision missiles atamzaw a zatbei khitsate ahihleh surface-to-surface weapons ngen ahi a, Army Tactical Missile Systems (ATACMS)

leh Precision Strike Missiles (PrSM) kichite ahi.

US Army in a zat long-range precision missile khat \$1 million sang a man tamzaw ahi. ATACMS leh Precision Strike Missiles kichite agal gamlapi apan strikes bawlna ah muizang mah-mah a, tup/ngim pen kapkhi-ial khollou hi. US in Ukraine kiang ah leng ATACMS hunk-

istrar Prof. Khumukcham Tomba Singh, Board of Gov-ernor member-te, leh Aca-demic Senate, deans, faculty members, officer-te leh staff, graduating student-te a nu leh pate uh ban uah chi-altuam a omte'n uap uhi.

uh kiningching a om ahihkeileh kiningching lou chih-te suichian ding in ngen uhi.

Huai ban ah student-te damtheihna, hamphatna leh dignity kepbitna ding a bawldik ngai omte bawldik ding leh tunung a hichibang thiltung om nawnlouhna ding a thuneitute'n panla ding in ngen uhi.

August 9 apan August 17, 2026 sung in Har Ghar Tiran-ga Campaign paipih hiding a, huai hunsung in Bike Rally, Exhibitions banah school, college leh mun tuamtuum ah Vande Mataram la sakna om ding hi. India gam ngaihla toh Flag rally tel in, Cycle leh e-Bike rally leng om ding hi.

Chin Students Association (TCSA) Churachandpur Col-lege Unit, Khangthah Zuun Pawl (KZP), Churachandpur College Unit, Kuki Students Organisation (KSO), Chura-chandpur College Unit, Zil-lai, Churachandpur College Unit, Mizo Zirlai Pawl (MZP), Churachandpur College Unit, Hmar Students Association (HSA), Churachandpur Col-lege Unit, Gangte Students Organisation (GSO), Chura-chandpur College Unit leh Kom Students’ Union (KSU) apan special item om ding hi.

am in Quarter Guard nunglam apan gem in Head Constable (HV/GD) Vishnu Prasad Baghel leh SI (SI/GD) Ramnawal Singh Yadav kaplum a, ASI/Mane Go-vind Sripul of B/171 Battalion kapliam chih ahi.

Seppihte mi nih kaplum a khat a kapliam khit in B/171 Battalion Barrack ah Ballani Premabaram tailut a, huai mun ah amah-le-amah kikaplum hi.

mohpaih ahihdan puang hi.

July kha sung in Israeli sepaihte'n West Bank ah Pal-estinians mimal 630 mankhia uhi. Mat a omte atamzaw mivantang helna leh helpawl toh kisaikhakna neilou hidan in Palestinian Prisoners’ Soci-ety in taklang hi.

August kha bul tan in Israel in Palestinian mimal 9,400 hentang a, naupang 370 leh numei 92 tel hidan in PPS in taklang hi.

hop pia (supplied) a, Russia toh kidouna ah Ukraine in zang manpha mahmah hi. PrSM ahihleh ATACMS sang a thakzaw ahi a, ATACMS khek-khiakna di’a kibawl ahi.

ATACMS leh PrSM gal-vante ziak in US military in agal gamlapi apan in mel-mate panmun, omna leh tar-gets tuamtuum dik chetchet in kapkha thei hi.

August 13-15, 2026 sung Jan Sunwai (Public Grievance & Entitlement Camp) nei ding

LAMKA, Aug 4: Joint Sec-retary, Tribal Affairs and Hills, Govt of Manipur thu-piak dungzui in, Adi Sewa Kendras (ASKs) teng ah hongtung ding August 13 apan August 15, 2026 sung Jan Sunwai (Public Griev-ance & Entitlement Camp) nei ding in Krishna Kumar, IAS, Deputy Commissioner, CCpur in theihsakna thu-suah bawl hi.

Camp pen scheme leh hamphatna tuamtuum, wel-fare program leh adangdang adia registration leh amun mahmah ah bawl leh piak-khiak theih ding ngimna toh a kisaipih SDO/BDO, field functionaries leh depart-

ment-te'n village authority makaih a Scheduled Tribe mite adia a neih hiding hi.

Huai hun ah Adi Karmayogi Volunteers (AKVs)-te'n kithuahpih in, household mobilization, beneficiary registration, grievance documentation, digital data entry, awareness campaign, follow-up cases leh report piakna toh kisai enkai ding uhi.

A kisaipih SDO/BDO toh kithuzak a, department teng in camp neihna mun ah government scheme leh pro-gram hamphatpih theih om bangbang pekhe thei ding a staff leh official sawl ding in-leng theihsak in om uhi.

Joint force-te'n district 3 apan in galvan tamtak mankhia

IMPHAL, Aug 4: Indian Army, Assam Rifles leh Ma-nipur Police gigawm joint team in Bishnupur, Kang-pokpi leh Thoubal district ah coordinated anti-insurgency operations abawlna uah galvan leh thautang tamtak mankhia uh hidan in official thusuak in Sepnawnni, Au-gust 4 in taklang hi.

Operation hun ah secu-rity joint team in danpua a koih a om Kangleipak Com-munist Party (Apunba) ac-tive cadre hidan ngoh a om mi khat leng man uhi.

Thuguk a ngah dung-zui un, security force-te'n Sepnawnni zingkal in Bish-nupur district sung Moirang Police Station nuai a om Sendra Hill apan gamla lou Loktak Lake kiang a float-ing biomass (phumdi) tung lak search operation bawl uhi. Dakkal 3 sung operation a bawlnung un temporary militant camp khat hihsia ua, huai an oh laupa hing kawm a kiselgu galvan leh bomb bangzakhiam mukhia uhi.

Galvan matkhiak a omte ahihleh .32 pistol khat magazine, single-barrel breech-loading gun khat, .22 bolt-action rifle, Jefferson ri-fle khat leh magazine, bawl-tawm carbine firearm 9 leh magazines, bawltawm MP-5 firearms leh magazines, bawltawm Lathode guns,

pumpi nih, improvised ex-plosive device (IED) packets leh accessories tuamtuum ahi.

Huailou in Manipur Po-lice in mundang a operation abawlna ah, danpua a koih a om Kangleipak Communist Party (Apunba) active cadre hidan a kigen self-styled Ma-jor Arambam Bobo Singh (42) of Wangoo Mameiching, Kakching district mankhia uhi.

Amah thudotna apan in security joint team in August 2 in Kangpokpi district sung Saikul Police Station nuai a Makokching gammang lak cordon and search operation bawl uhi.

Operation hun ah se-curity force-te M16 rifle 1, Mark III rifle 1, sniper rifle 1, .22 bolt-action gun 1, single-barrel guns 25, pistol 7, thau chituumtuam tang 76, empty case 179, rifle magazine, pumpi 4, hand grenade 36, detonators 20, Baofeng radio sets 4 leh charger 1 mukhia uhi.

Huailou in, joint securi-ty team in Thoubal Police Sta-tion nuai a om Ekok Pat lake kiang ah Arong river bank lak operation abawlna uah INSAS rifle 2, MP-5 subma-chine gun 1, SLR rifle 1, .303 rifles 2, magazine 8, smoke bomb 1 leh thau chi tuam-tuum tang 379 mukhia uhi.

AMUCO in 29th Manipur Integrity Day zang

IMPHAL, Aug 4: All Manipur United Clubs’ Organisation (AMUCO) in Sepnawnni, Au-gust 4 in Kwakeithel Akham Leikai Community Hall ah 29th Manipur Integrity Day zang a, Manipur State Mu-seum kiang a Polo Ground suahlam a Manipur Integrity Pillar ah pak pia uhi.

29th Manipur Integrity Day zat a om ahihleh April 4, 1997 a mass rally thupi-tak neihna hun ah Manipur gam leitang humbitna ding a Imphal apan mi lakh 5 val in lampi zuihna aneih chia-mtehna ahi.

Pak piakna zoh in AMUCO President Sanjoy So-rokhaibam in India govern-ment ah muanna nei nawn-lou ahihdan gen in hun paisa a ngetna leh representations a tamtak piak a omte'n Ma-nipur mite deih leh lunggulh bang a dawwna pe lou hidan in gen hi.

Huai ban ah AMUCO in

India government nasep dan leh policy-te deihlou in Ma-nipur ading a siatna hizaw hi'n gen hi. April 4, 1997 a rally thupitak neih a ompen Centre “proxy war” deihlough taklatna hidan in gen hi.

May 3, 2023 a namkal buaina kipatnung in security forces tamtak koih himahleh buaina leh thagum suahna beilou a, tunitan a hihveng ahihlouh ban ah namkal ah kikhentuamna thuk semsem hidan in gen hi.

India government in Manipur a namkal buaina hi-hveng ut taktak hileh kintak a hihveng thei ding himahleh tunitan a hihvenglouh ziak a AMUCO in Inda government ah muannangamna nei nawn-lou ahi chi hi. India govern-ment in Manipur toh kisai a policy a paipih lel a tawp-san keileh maban ah 1997 a public rally neih a om sang a thupi zaw neih hiding hi'n AMUCO President in gen hi.

Manipur Child Rights Commission in EMRS hostel a nek ding kidaihloou kintak a suichian di'n theisak

IMPHAL, Aug 4: Manipur Commission for Protection of Child Rights (MCPCR) in Chu-rachandpur Deputy Commis-sioner leh Director of Tribal Affairs and Hills kiang ah Eklavya Model Residential School (EMRS), Zeikhuluang Loktak Project ah student-te nek-le-tak ding kidaihloou hidan a gen a om toh kisai bangchidan hiam chih kintak a suichian ding in theisak hi.

Section 14 of the Com-mission for Protection of Child Rights Act, 2005 nuai a suo motu case chiamteh in Commission in preliminary reports dungzui in hiai resi-dential school a nek ding piak a om pen student leh staff om zah ading in kidaihloou a, huaiziak in nek-le-tak kid-aihloou hidan in mukhia hi.

Manipur Commission for Protection of Child Rights (MCPCR) in a taklat dan in, nek ding koihsa a bei apan in hostel a om student-te ad-ing in breakfast leng piak hilou ua, huaiziak in student khenkhat bahsia in damlou phial a om in medial treat-ment ngai leng ua, huai ban ah nek ding omlouh chih ziak a patau in student tamtak a nu leh pate un va pikhia uh hidan in taklang hi.

Hiai thiltung in nau-pangte rights, damtheihna leh dignity naktak a sukha hidan a taklang in MCPCR in a kisaipih thuneitute kiang

ah kintak a school enchian a, nek ding kiningching kintak a pe ding leh damtheihna toh kisai a kikemna ding kiching koih a, tuisiang dawn ding leh omna ding ban ah resident student-te ading a poimoh bangkim kintak a kichingtak a pe ding in thuneitute theisak hi.

Commission in official-te kiang ah nek ding piak a om leh hostel a student leh staff om zah kituah mah hiam chih enchian a, bangzi-ak a nek ding kichinglou piak a om hiam, kua mohna hiam chih leh bang diklou om hiam chihte suichian a, kin-tak a bawldik ding in ngen hi.

Deputy Commissioner leh Director of Tribal Affairs and Hills in hiai thu toh kisai kintak a suichian a dakkal 48 sung a detailed factual re-port leh Action Taken Report (ATR) pe lut ding in Commis-sion in theisak hi.

Commission in thunei-tute kiang ah, nek ding om-louh ziak a school pawtsan student-te nek-le-tak ding kiching om hun Chiang a kikhawn vek mah uh hiam chih leng enchian ding in theisak hi.

MCPCR in hiai order abawl pen Director of Social Welfare, Superintendents of Police, Churachandpur leh Bishnupur, ban ah a kisaipih official-te kiang ah enkai ding a theihsakna in copy pia hi.

EXPRESSION OF GRATITUDE

The bereaved family of (Late) H. Thang Johnson, resident of Vaal Veng, New Lamka, expresses its profound gratitude and heartfelt appreciation to all individuals and organizations who extended their support during this period of bereavement.

We place on record our deepest indebtedness to the Joint Philanthropic Organisation (JPO), Churachandpur comprising KKL, ZYO, HYA, YMA, YPA, YVA, ZYA, SYO, TCYA, GYO and TYO for their invaluable and selfless service in the search and recovery of the deceased. Your prompt response, steadfast commitment, and compassionate assistance during the hour of anguish made it possible to bring our beloved home and accord him a dignified farewell.

Equal gratitude is extended to EBCC Vaal Veng for solemnizing the funeral rites with dignity and for ministering spiritual comfort to the bereaved family. Sincere appreciation is also accorded to the YPA Vaal Veng Unit for their meticulous coordination and for overseeing all arrangements at the residence during the mourning period.

The family further acknowledges with gratitude the visit and words of solace extended by Shri LM Khaute, Hon’ble MLA, Churachandpur AC, Shri Krishna Kumar, IAS, Deputy Commissioner, Churachandpur, and Shri S. Thenlaljoy Gangte, SDO, Churachandpur. Their presence and empathy during this period of sorrow have been a source of great strength and consolation.

We extend our sincere gratitude to all relatives, friends, and members of the public who attended the funeral service, offered prayers, and stood in solidarity with the bereaved family.

The family remains profoundly heartened by the kindness and sympathy shown. It is the humble prayer that the Almighty bestows His abundant blessings upon all those who stood with us in this time of grief.

H. Goukhenthang & Family
Uncle of H. Thang Johnson
Vaal Veng, New Lamka

INN Mun KIHAWMTHAK

Mata khua lutna, National Highway bul, Teddim Road lamkhanglam a kinga, mun ah innmun kihawmthak om. Innmunte Premium Size ngen ahi. Hong inla hong invest in. Sizes: 36/60; 45/72; 43/84; 36/90 etc. Rate: Rs.9.7 Lakhs to Rs.16.6 Lakhs.

Contact persons: +91 89749 51977 +91 87877 98056
(Jun 11 – Aug 9)